

Сургъульчирин производствени дамшлтд оньган икәр өгхмн

Дорас өсдөж йовх багъчудт коммунистическ сургъмдж өглгънд мана советск школин нильч дегд ик. Делгү ик медратэ, промышлени болн селанэ эдла-ахун цуг халхсар кәддәж йовх аргъта улс болдәж гаргъх төр мана орн-нуттин школмудан бич тавдгемн.

Сургъуль даслгън оли-әмтнә эдла-ахун болн культурн төсхлтас, оли-әмтнә бәәдл-джиргъләс заагтаг уурулхмн гисн партин XX-ч хургин заавриг күңәгъәд. Яшалтинск районна сургъуль-эрдмин отделин кәдләчир, партин болн эдла-ахун организац мана көвүд-күүкд школан төгсәхләрн производствени күч-көлснә дамшлтта болтха гидж гедид политехническ сургъуль дасхлгъар зөвәр кәдлмш кецхәв.

Багшир, партин болн комсомольск организац сургъулин джигин туршарт партин XX-ч хургин шийдврин болн институтд орулдж авлгъна шин зокалин тускар цәәлгъврин кәдлмш кецхәв.

«Школан төгсәснә хөбн ю кенәч?» — гисн сурврт — «трактористир, шофер, комбайнер болнавди, колхозин үснә Фермд оч кәдлнәвди» — гисн хәрүс улм-улм икәр сонгәсддг болв.

Сургъульчирин производствени бригадин члед колхозин специалистир Эмма Руттон, Иван Холодовин, Дмитрий Ильченкон заасн агрозоотехническ медрлин үнн ухан-седклән тәвдж дасххав.

ДОСААФ-н кружокд 33 көвүн дасад, 3-ч класс шофермүдин медрл авцхав. 9-ч болн 10-ч классин сургъульчирин зәрмән МТС-д оч трактор йовулдг дасцхав. Болв эн көвүд-күүкд институтд орх седклән хайад уга, промпроизствени дамшлт авчкад, институтд орад, терүгән төгсәхләрн, улм бат медрләтә инженермүд, әс гидж агрономс болдж гархан теди медрхәнә.

Дундин школ төгсәснә күүкд-көвүд көдди бәәдж институтд заочн сурч чадхмн. Тер төләд, района цуг школмудар сургъулин мастерскойс гаргъгдв. Яшалтинск болн Соленовск дундин школмудар мастерскойсас талдан химий, электротехник болн маши дасди кабинетс бас бәәцхәнә.

★

Л. МАЗИН,
КПСС-н Яшалтинск
райкомин селгәтр

★

Школмудан директормуд Н. Попов, В. Круглов, багшир Е. Гоева, Ф. Мазко, С. Таваченко, сургъульчир Н. Точка, Г. Никитенко болн нань чиги кесг директормуд, багшир, сургъульчир сургъульчирин производствени дамшлт авлгъар берк гидг сәәнәр зүткдж кәдлхәв. Эдла-ахун организацин гардачир үүрмүд М. Кулак, Т. Шерет, дархн А. Гузеватых болн сургъульчирин эцк-әкнр чу бишәр энүнд дөһгән күргцхәв.

Мана Ставропольск крайин, Григорополисек школин сургъульчирин производствени бригад бүрдәлгънә дамшлтас үлгүр авад, ниди джил мана района зуг хойр школд сургъульчирин производствени бригад тәрә хәләдәж аерлгъар бүрдәдглә.

Сургъульчирин производствени бригадин нүр йовачирин района слет болв. Эн слетд долан джилә болн дундин школмудин сургъульчирин эльчир, партин болн эдла-ахун гардачир, сургъулин багшир бас орлцхав. Сургъульчирин производствени бригадин түрүн джилн аш диглдж күүндәд, эн эклциг көвүд-күүкдт ик туста керг гидж слетд орлцачир темдгилцхәв.

Парти райкомин бюро эн төриг әврәнн хурттан тәвдж күүндвр келгәд, 1957—1958-ч сургъулин джиллиг бүрдәмджтәгъәр экллә. Ода мана районд сургъульчирин производствени 6 бригад кәдлджәнә. Теди бийсинн шншлиг тәрәнә газрин участкад.

Сургъульчирин производствени бригадст 300 шаху сургъульчир 435 га газрт эрдни-шишә, 215 га газрт огород, 59 га газрт бахч, 22 га газрт виноградинк тәрси хәләдәж асрджацхана. Нугъсна 3.100 гууджмл бас хәләдәж асрджацхана.

Сургъульчирин производствени бригад гаргългън сургъуль даслгъин производствени күч-көлснә залгълдулгъна хамгин сән янзнь болджахнь лавта медрдджәнә.

Сургъульчирин производствени

бригаде болгънд дотран столовойта культетан төсхлхмн. Победа колхоз тинм культетан төсхад, буюкнн дуучкв. Ода Новый мир колхоз. Ленинә болн Кировнн пертә колхозмудг культетан төсхлджана. Сургъульчирин производствени бригадин члед бийснь төсхлгд шумчгъарьар орлцдж йовцхана. Производствени бригад болгън шншлиг бийсинн далагъврт автомашидтә. «Победа» колхозин бригадт болхла «Беларусь» трактор чирүлдг машиндәгъән бәәнә.

Сургъульчирин производствени бригадин участкасар агрономс Д. Ильченко, Л. Смоляно болн нань чиги специалистир практическ сургъуль заацхана.

Сургъульчирин бригадин бригадир А. Матюшко манла кесн күүндвртан шигдж келв:

— Мана коллективин көдлмш ик ханмджатаргар кәдлджәнә. Биди энүнд ююни төләд, ягъад кәдлджәхән сәәнәр медрж авчанавди. Энүнд кесн көдлмшди мана школд дасен медрлин улм батраджана.

Сургъульчирин бригадсар кәдлдж йовх багъчуд сәәнәр кәдлдж чаден деерән, культурн кевәр амрлгъан бүрдәдәж чадцхана. Бригад болгънд волейболар, футболар, баскетболар, шатрар болн дөвәр спортвин маргъна болна, художествени самодеятельностин кружокс бас кәдлджәцхәнә. Ленинә пертә колхоз духовой оркестр хулддж авч, сургъульчирин бригадст өгв. «Новый мир» колхоз баян, патефон болн нань чиги кесг музыкальн инструментс хулддж авч сургъульчирин бригадт өгцхәв. Хамг эн тоот, багъчудиг өргджүлдж омгшана.

Көвүд-күүкд авси даалгъврән күңәхин төләд ода зүткдж йовцхана.

Партин райкомин бюро болн района күңәгч комитет дамдкдж өггддг Улан туг гаргъв. Сургъульчирин производствени бригадин көдлмшин ашинь сар болгън шүүдж хәләгъәд, түрүн орм эзлси бригадиг тер Улан тугар ачлхмн. Района селанә эдла-ахун гәәхүл көдлси өдрмүдт, сургъульчирин бригадин Павильон бас секгдхмн.

Сургъульчирин производствени бригадин көдлмшт зәрм дуту-дунде бас бәәнә, болв эн кергин государственн ик чиртә керг гидж тоолси хөбн, тер дуту-дундиг уга келгън зовльнгта биш.

Дорас өсдөж йовх багъчудт сургъмдж өглгънд партин болн комсомольск организацин килмдж болн гардвр әрк биш кергтә.

Сургъульчирт коммунистическ сургъмдж өглгъин цуцртан уга яеруллгън—партин, профсоюзн болн комсомольск организацин, сургъуль-эрдмин отделин цуг кәдләчирин әрки төрн болджана.